

四當齋集

丁丑夏邵章題



四當齋集卷十

長洲章鉉

詩一辛亥前作

潘西圃師畫蘭冊爲汪範卿丈題

蘭爲王者香可親不可亵畫蘭必似蘭求工乃得拙吾師西圃翁早謝熱官熱日侍三松
堂翰墨受真訣吹笛水雲鄉攢杖湖山窟無意偶爲之天然自芳潔似舅何無忌人中稱
屈軼殷勤寫所懷寶過珊瑚玦閱世三十年命題到薄劣如讀離騷經夙生洗葷血安得
素心人草堂叩香雪補之四梅花並几品雙絕

牡丹七排曲園師命和

蘭祖梅魁各自芳別將九錫定真王人間占盡三春景天上平分五色章雨露濃時珠孕
采樓臺深處玉生香羣仙鶴氅迎姑射衆嫭蛾眉捧壽陽戚里幾家邀近局園林排日門
新妝折枝畫倩徐崇嗣豔體詩宜韓致光比是鳳麟爲世出憑他鶯燕笑人忙相期看到
雲仍後吟侶爭搜錦繡腸

蓬萊峰頂久徘徊遊戲花天歲一回殊色能令銀海眩深叢好倚絳雲開法王座下金鋪
地甘后帷中玉琢胎圓滿共擎承露蓋輕盈慣住避風臺無雙亭倚傾城兒第一樓登絕
代才嬌夢好憑鶯喚起靈根端自鳳銜來生香已羨傳神筆舞采還斟上壽盃管領羣芳
誰與並東皇著意早栽培

虎阜紀游邀夏閨枝張仲仁同作

鬱鬱黃梅蒸淨得夜雨埽閉戶兀聾書愁負腰腳好東西三四萍隨風自糾繚懷彼山澤
癯出郭恣幽討漚鷺既閒閒雞豚亦草草楊柳金昌亭萬綠壓官道人家漸次疏一塔立
雲表似聞山靈言客來何不早

攝衣不辭怯乃登海涌峯茶喜占小閣一豁塵眼封意行覓厓刻古人時時逢惜未攜氈
蠟小駐煙雲蹤雙壁尤峭絕擰住空翠濃陰森非人世意恐潛蛟龍幽香不可跡但見青
蔥蘿山僧空世法并歇斜陽鐘

斜陽故故催況見林梢月冷衣淒以涼歸路指城闕此山塊然耳得名冠吳越所見非所
聞評泊殊未歇縱輸西子湖煙水神仙窟十丈軟紅塵持較究唐突盛年靡可常清興從

此發願言兩洞庭青鞞與布鞞

爲費西蠡題松雪暴書二字卷用孫淵如韻

平津館有鑒藏編秋霽樓高後軼先摹得榜書松雪老年年清課補朱竹垞錢警石

宋塵元架翳棟蘿別向城陰闢澗阿一自五松說流寓墨緣書福到君多

曹君直溪堂讌別圖

麗娃祠畔雨如塵惜別傷離酒幾巡行住皆難費商略柳絲送客桂留人

階青以盤香藏墨爲贈各賦一律

芳潔由天性研摩味更長自繫心宛轉未定氣飛揚結契仙靈座回蹤醉夢場莫嫌灰一

寸畫字尙端詳

漆黑悲前路吾將墨守名磨人年易逝用晦道尤明筆債煩商略書香自合并要憑消滴

水辛苦寫平生

題鶴逸自畫鶴廬圖卷

我生不遇時隨事遭束縛譬彼樊籠中志亦在寥廓玉山舊主人矯矯雲中鶴廣座一傾

談能使營魂索示以精廬圖蕭森羅衆作將與支道林放意樂巖壑嗟彼乘軒流毛羽工
假託鶯翰而鳳鳴每中鄱陽謔如君古之奇曾不糜好爵自鬱青霞抱不插紅塵腳天半
有胎仙久亦厭落落翩然下西津萬本伴綠萼獨念天蒼茫江湖多矰繳願爲海上漚機
心空無著鵬鷁大小殊逍遙不嫌各請君爲我圖珍重歲寒約

和階青韻存四

魏瓠枵然世不容堂堂白日去無蹤商量末路荒山鋪灰滅名心古寺鐘見說九關排虎
豹未妨一隊混魚龍丈夫自信能貧賤儻欲傭書我也從

無多朋舊話從容忽漫題襟記客蹤簣笠黃昏江上艇湖山青峭別時鐘年光自惜桓司
馬人物今誰陸士龍水驛沿洄三百里鯉魚風起擬相從

難得豎婉孺子容青霄自闕鳳鸞蹤圖經照作停空鏡詩筆清於破曉鐘放眼古今臣是
蟲論交貧賤我爲龍心香更祝春長在歲歲花前捧杖從

量才何處遇昭容歷歷羊車別院蹤銀柱又拋湘水瑟牙籤來數景陽鐘幾多竹實調飢
鳳且試葱纖繡袞龍一種傷春心事在生愁紅葉寄無從

寄宗耿吾溫州四律存二

漆室沈沈鎮自愁高歌青眼見吾儔枉煩魂夢游三古怕展圖經認九州局外頻驚棋換劫閒來難遣酒忘憂中原人物誰琨逖獨聽荒雞淚暗流

飽斟天酒挹天漿不管崦嵫一寸光儘向窮山招虎衛管他岐路告羊亡貴人新尙無顏恰強敵頻遺續命湯悶絕翻爲通悅語濯纓何處不滄浪

謝劉芝坪葆源惠泉之餉

品罷白雲泉

是日游天平遇雨

急雨散歸翮入門得所欣幾折游春屐云自惠山來不數瀛洲液

太真第二流諧笑補水說劉侯昔經行澈底照清白一斛載吳船廉於鬱林石爲念疏狂人耆茗得茗癖團團鬼臉囊流汗走藏獲賤子生水鄉少有江湖役近遊訪慇懃遠者八功德中冷大江心六一孤山側雖不淄澑分頗亦涇渭別所期東南天搜討百川脈昔泛芙蓉湖勝踐違咫尺三復水遞篇夢繞龍山碧竟償十年願今夕復何夕時節過清明槐火熒熒赤如火見交情在山證心跡願言滄浪波招我濯纓客

吾生

拂衣長孺直仰屋次公狂亦解嶢嶢缺其如忽忽忘暗中曾箭激空外又羅張不把荆榛

翦吾生信可傷

卽事

中夜忽然覺瞢騰眼不明尙餘燈一穗翻訝鼓三更强飯飢鼯羨推窗宿鳥驚微茫指前路卽事感勞生

將之南沙示小竹里主人

西風鳴落葉窮巷又殘年值此憂生日翻吟乞食篇緘愁歸酒甕寫怨失琴絃今夜雁聲急挑燈眠未眠

贈相者羅生

落拓江湖一技鳴相非未敢學荀卿當胸慧鏡誰無翳侈口昏衢尙有情天外魚龍驚末劫山中猿鶴怕長生許余有壽鳶肩火色尋常事莫便聲華動帝京

明曹良金先生湖山佳勝畫卷爲裔孫旅生孝廉題先生爲文衡山同時人筆墨高妙莫能軒輊此卷與房山梅道人尤近蓋卜居既定得意作也所著林歸集已佚明詩綜

輯入數首可見一斑

卜居不數屈靈均人海風波早乞身寫出水邨圖一幅老來欲作太平人
附耳星明事已非吳中張翰早知幾具區三萬六千頃來看閒鷗自在飛
湖光山色絕塵喧畫幅村居壓宋元難得子孫守廬墓桐邱端合配桃源

吳中古蹟三首

且醒江湖夢來尋甫里祠風煙身外劫冰雪卷中詩長物餘茶竈浮名付釣絲荒庭饒杞
菊還發昔年枝魯望祠

四萬青錢價孤亭迥出霄卜居吳地賤入夢蜀山遙纓向清流灌書能濁酒澆滄浪歌一
曲風月正蕭寥滄浪亭

文福雙修到衡山是散仙專家傳奕世慧業得長年標格凌松雪音徽契石田卻金亭未
圮清節重吳天載圃

題沈孔脩寶書堂集

七子三君比總差未園此筆足名家開編已自工題品雪月霞虹萬種花詩以原月原虹原雪

題常熟潘毅遠詩藁

羣經歸寫定餘事到詩篇字早禾中釋官將柳下傳絳雲商舊隱白雪怨遙年風雅未衰息逍遙有後賢

題及門王冰鐵大忻國朝詩家名印冊

治詩兼治印尙友見平生金石千秋業雲霄萬古情不愁狐貉噉猶作鳳鸞聲掩卷一惆悵相期賦邁征

題某太君簪燈課孫圖

子失偶兮孫失恃一門顛沛乃有此母也大節天所欽劬勞復自今日始四野紛傳鶴唳驚一家慣仿鷗夷徙風酸月苦絡緯啼猶聽書聲瓶瀉水願兒讀書明大義願兒長成綿宗祀一點燈光一點心天神下鑒先靈喜愛憐爲題百藥名嬉戲早屏五木技所期泉下見良人可告無罪而已矣昔者令伯表陳情臣無劉氏無全理負哉母德與之同請書質

行告惇史

失題

大雲塞長空隔斷詩來路中暑如中酒瞢騰閱早暮碧翁善游戲陡換炎涼度一落千丈
強小學文章作蟲蟲雷振瓦獵獵風旋樹蟲聲壓雨聲嘈雜若有訴秋士易悲秋萬感忽
相赴緬懷素心人垂燈正覓句

七十二芙蓉仙館歌爲會試房師王劭農先生作

槐廳藤屋今消歇椒舫梧門亦陳跡北地風流繼者誰芙蓉自倚遙天碧碧天森森七二
株中有一人列仙儒置身已在雲霄上結想依然煙水區潞河之水連津沽七十二灣紛
盤紆弄珠神女逞靈怪一灣一花爲公娛拒霜不是人閒種如公風節南臺重忽然點筆
理畫學淋漓造化歸驅用千七百鶴機已忘三十六鷗盟可共鐵石心腸瓊瑤姿我聞在
昔梅花宋嗟予小子慣疏放逝將歸去飯菰蔣欲采秋江寄所思坐惜臨流竟無漿七十
二朵青芙蓉洞庭山色公應賞南萬柳與北萬柳願仿儀徵更題榜

戊申正月妻兄緯辰邀登金山僧出石田金焦圖乞題卽席用衡山韻圖爲端制軍留鎮
山門者也

孤塔嶮嶒鎮上游牛腰畫卷認名流一言解脫同留帶萬感蒼茫又倚樓勝地曾聞兵可

用舊名堪證玉同浮

圖中金山在江心今則徒步而登

莆田詩事真超絕想見胸襟隘九州

身世吳闔舊貲春鮮民賦後萬緣空題襟自昔懷邦上誓墓何年隱越中訪古偶隨賢令
騎設齋且到梵王宮千秋形勝推京口極目愁看大海東

仇十洲姑蘇圖長卷爲劉聚卿題

劉侯視我姑蘇圖披圖不覺心魂徂土風清嘉如是夫敢請旁魄仿論都西南一帶林壑
殊終接混茫乃具區百里過眼如須臾悅覩白練闔門鋪其中矗立六闔閣丰昌尤數闔
與胥海涌峯頭石浮屠有客指點非模糊園林第宅橋梁衢大姓中數陸顧虞窈窕雲窗
誰家姝雜陳百戲相嬰娛清泉長林無地無萬頃田稱天下腴中流峨峨飛艸艤想見稅
稻輸東吳風土歲時取次摹細觀直欲窮雙瞼況復煙雲相縈紆壓倒俗工塗附塗四序
密移萬象蘇爲此圖者其神乎仇生仇生造化徒筆端雅具千錘鑪如讀志乘范石湖子
虛上林舍且姑我本吳人能吳歛梅灣先慈瑩地名茶嶼先祖考妣地名神所愉忽來人海將口
翻對此能不驚且吁贈烈士劍贈賈珠於古有例非揶揄寶之當如壺公壺持詢劉侯俟

曰惡吁嗟乎持詢劉侯侯曰惡搔首惟作負負呼作歌聊當思蘊鱸

題西河竹垞五十同年小像

詞壇分據浙西東想像風流畫幙中好仿慈溪二老閣瓣香珍重薦南豐

天啟崇禎隔一塵尙書公案更斷斷名山各有千秋業漫把疑年學絳人

案歷代名人譜西河生天啓年

三年癸亥竹垞生崇禎二年己巳實非同庚董小池題作五十同年殆以康熙鴻博欽取五十人當時或以名數稱榜以志文人殊遇故沿用之耶記以待證

海忠介畫像詩蹟卷匱公慨贈節庵爲附一律

瓊山忠義氣秋色與爭高諫疏皆肝膽詩篇亦羽毛海天懷往事風力見吾曹脫手一相

贈交情薄寶刀

歸元恭詩篇墨竹卷後有亭林一律見集中今爲梁節庵藏

萬事不可說蕭然墨雨濃自憐身沮喪猶有氣橫縱三絕知何用千秋悵未從江湖孤往

處愁殺蔣山傭

謝公集卷十

謝公不可得識然隱名山林之形夷醉賞景醉三醉眠倒于

謝公未始識此言竟有此林一舉足中今欲笑謂孤雲

以

已矣知其無可也但醉酒醉衣醉于亦入醉山林

已矣知其無可也但醉酒醉衣醉于亦入醉山林

已矣知其無可也但醉酒醉衣醉于亦入醉山林

已矣知其無可也但醉酒醉衣醉于亦入醉山林

已矣知其無可也但醉酒醉衣醉于亦入醉山林

已矣知其無可也但醉酒醉衣醉于亦入醉山林

四當齋集卷十終

四當齋集卷十一

長洲章 鈺

詩二天津寓作

楊雪漁先生短檠檠圖題詞

我讀幸草集我知幸草心一真自吐露正味來森森哀樂百年事歷歷蹤可尋祕諸篋衍中上燭井與參時局羣龍戰人才凡馬瘖但讀短檠歌如聞清夜琴

歌成乃徵圖非傲昌黎韓日月與燈光三者本一般日月無不燭明燈安可瞞憎容莫毀鏡澡身宜銘盤檠短光則長萬境隨控搏寓此耿耿心豈侈丹青觀

案頭忽牆角世情本可笑如今并棄捐更出昌黎料雪翁不可作遺詩若相詔願傳五祖鐙鐙鐙各有耀辰屬昏衢中吾生吁可弔永懷老成人心光炯自照

鄧孝先藏王愬甫先生手評獨學廬初稿印本

後世誰知更定文丹黃親與致殷勤正宗法眼曾無讓老輩交情故不羣本意夢華追昔歎那堪耆舊溯遺聞吳船載酒今搖落獨倚津橋戀夕曛

劉雅賓先生省兄永詩令君津寓感賦

少年襟抱託泉明晚歲真逢玉步更七略早傳中壘業一麾曾作始平行傳家科第成何物洗眼煙波老此生我已對牀無夢到遙天羨殺脊令鳴

和斐盦

西風消息又寒雅自剔銀燈注夢華蠟屐猶憐猩耆酒玳梁未見燕還家奇肱有客談飛軌隸首無才算散沙我已鍵門成久計剝緜罷唱出無車

輸贏未定期先終笑倒江東陸士龍破甑礙人宜棄置寶書授我敢開封回頭易覓灰中綫到耳俄成飯後鐘流水高山原異曲知音難得是牙鍾

壽某太君

官而不人半天下人而不官世蓋寡誰歟言者李太君衆萬誦之汗盈把太君名德女中師及稱婆婆膺福嘏一言能垂萬世防世俗所崇皆末也滔滔羣讀選官圖寂寂誰開證人社喚起舉世良心良如臨苦海諷般若吾聞不朽言居一仉孟而後誰如者請舉此義

壽太君笑簪老圃花盈把

女貞行爲黔南張女士作

南方富草木獨秀惟女貞凌冬葆青翠不爲霜雪更婉變仲仙子氏張籍清平少承詩禮學不櫛稱書生唐家有佳士早訂朱陳盟未對土昏席先結公宮纓白婉忽娶茀滿屋鶴鷗聲問天天不應懷中瓊瑰盈北宮嬰兒子千載仰崢嶸撤環事高堂先後二難并荏苒十餘載事事可法程遂以心力竭傍我先人塋峨峨小孤山下照荔波清志行兩無歉足式千嬌姪大貞無激行大孝無顯名請備轎軒采以代綽楔旌

題潘文勤上業師太倉陸星農先生尺牘冊

爲溯昂霄學淵源出陸莊百年留掌故一瓣證心香載酒元亭遠傳書鄭驛忙遺珍瓊室富好鑿弇山藏

題邊顧公山水冊

漸僧以畫爲活計託興每在水雲際偶然寄趣于西文蕭閒不似人間世似此山林今恐無似此筆墨天爲徒我欲從公翦一角昔昔飛夢游此圖

題張力臣符山堂圖卷

鶴銘駿贊隸娜環中有幽人自閉關擎乳六書商漢讀交游四海得殷頑幸逃劫數兵戈
外獨寄風流水石閒我亦牆東思辟世天涯何處是符山

題曲江十子尺牘冊

九子齊名數易堂曲江朋輩亦昂藏秀才享盡承平福愁展當年墨幾行
後勁尙留潘養一與魯通甫山陽先正最明清斯文種種歸消歇多事洄溪唱道情

謁天津李文忠公祠堂

丞相祠堂倚急湍風塵憑弔劇悲酸世當奇變煩籌筆天以純忠定蓋棺一代遂嗟元老
盡九京應痛替人難茫茫大局今何似多恐雲霄未忍看

題吳偶能手寫唐王建詩集

勞校與毛鈔黃金賤無價後起勝前賢請題雙不借所據爲羣碧樓藏
空居閣不借本

嘲驢

有何妙技可逢時得意頻聞櫨下嘶如汝人才皆令僕山公總要好爲之

題金鞏伯爲于小史畫搨印圖